



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

**Luxemburgi, 1739**

CXVI. Abrogatio Commissariorum, & Judices Appellationum pro Provinciis  
Brasilens. FF. S. Franc. de Observ.

---

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)



CXVI.

Confirmatur Decretum Ministri Generalis Ordinis S. Francisci de Observantia circa abrogationem Commissariorum Europæorum, & Judices appellationum pro Provinciis S. Antonii, & Conceptionis B. M. V. in Brasilia.

*De quibusdam controversiis in Provincia S. Antonii vide Clem. X. Const. ed. 1672., Maji 18., P. 3. a quo Pontifice erecta fuit Provincia Immaculata Conceptionis Const. ed. 1675., Julii 15., P. 6., abrogati fuerunt Commissarii Generales pro Provinciis Indiarum Oriental. Const. ed. 1682., Decemb. 23., P. 7., & Const. ed. 1683., Decem. 3., P. 8. recensentur nonnulla Ordinationes pro Provincia S. Antonii.*

## INNOCENTIUS PAPA XI.

*Ad futuram rei memoriam.*

Dat. 13. Maji  
1683. An. 7.

Exordium.

**A**dmonet nos suscepti cura regiminis Catholicae Ecclesiae per Univerſum Terrarum Orbem diffusa, ut paternam Christiſidelium Altissimi obsequiis sub ſuavi Religionis jugo manipulatorum curam gerentes ea, quae pro felici, prosperoque illorum regimine, & gubernio, ac religioſa quiete ab eorum Superioribus Regularibus provide, prudenterque ordinata esse noſcuntur, ut firma ſemper, atque illibata perſiſtant, Apoſtolicum muniminis praſidio corroboremus.

Cauſe infe-  
quentis De-  
creti.

§. 1. Exponi ſiquidem nobis nuper fecerunt dilecti filii Fratres Provinciarum S. Antonii in Brasilia, & Conceptionis B. Mariae Virginis Immaculatae ad flumen Januarium Ordinis Fratrum Minorum S. Francisci de Observantia nuncupatorum, quod dilectus etiam Filius Petrus Marinus Sormanus Miniſter Generalis dicti Ordinis, ut incommodis, gravissimisque moleſtiis, quae ex deputatione Commissariorum Europæorum ad viſitandas Provincias praefatas, illarumque Capitulis praesidendum mitti ſolitarum, ſimulque vagationibus Fratrum, qui propter cauſas appellacionum longissimis itineribus se committere cogebantur, opportunis rationibus occurreret, nonnullas ordinationes in dictis Provinciis ſervandas fecit per quosdam ſuas patentes literas deſuper expeditas tenoris, qui ſequitur, videlicet:

Decretum  
Ministri Ge-  
neralis.

§. 2. Frater Petrus Marinus Sormanus a Mediolano totius Ordinis Seraphici Patris nostri Sancti Francisci Miniſter Generalis, & Servus &c. Muneris nostri debitum indefinenter expoſcit, ut commiſſorum ſolicitudini noſtrae Religioſorum quieti, conſolationi, & commodo quantum in Domino poſſumus ſedulo conſulamur: quapropter cum certam habuerimus notitiam ex deputatione Commissariorum Viſitatorum Europæorum ad viſitationes, & Capitulorum celebrationes Provinciarum noſtrarum S. Antonii in Brasilia, & SSmae Conceptionis ad flumen Januarium (vulgo de Rio de Janeiro) multa incommoda, moleſtias, gravissimasque expenſas provenire. Nos tot, tantisque malis pro viribus obviare volentes praesentium virtute cenſemus, atque decernimus hujusmodi Commissarios Viſitatores in poſterum ex Europa non mittere, neque mittendos esse, ſed ex iſdem Provinciis aſſumi debere ſequenti modo. In quolibet Capitulo Provinciali Provinciae S. Antonii a Diſſinitorio noviter electo deſignentur tres Patres ex Provincia Conceptionis, qui habeant condiciones per Statuta generalia requiſita, ad hoc, ut poſſint viſitare praefatam S. Antonii Provinciam, quorum quidem trium Patrum nominatio mittatur ad Miniſtrum Generalem per primam Navium in Europam venientium oppor-

De Commiſ-  
ſariis Viſita-  
toribus.

tunitatem, in quo ſi vel Provincialis, vel alii negligentis reperti fuerint, puniantur ſuſpenſione a ſuis Officiis per annum, aliisque poenis arbitrio Miniſtri Generalis infligendis. In Provincia quoque Conceptionis ſimilis deſignatio, & nominatio fiat trium Patrum Provinciae S. Antonii, itaut Viſitator unius Provinciae ex altera ſemper deſumatur. Miniſter autem Generalis habita hujusmodi nominatione, unum ex tribus illis eligat quem maluerit, ejuſque electionem quantocius potuerit Provinciae viſitandae ſignificet, quod ſi, vel ob locorum diſtantiam, vel naufragium, aliudve impedimentum, Patentes Miniſtri Generalis non comparuerint uno anno ante tempus Capituli celebrandi, tunc Diſſinitorium Provinciae illius quae viſitari debet, poſſit ſibi eligere unum ex tribus jam nominatis, qui Provinciam viſitabit, & Capitulo praesidebit, cum voto, & omnibus aliis, quae praestare ſolet, & debeat ille, qui a Miniſtro Generali deputaretur, quod etiam intelligendum eſt, ſi ille, quem Miniſter Generalis elegerit, jam eſſet deſunctus, tunc enim Diſſinitorium poterit alterum ex duobus reliquis ad viſitationem praefatam vocare; caſu vero, quo poſtquam Diſſinitorium Viſitatore advocaverit, perveniant Patentes Miniſtri Generalis, ſi jam ille, qui vocatus fuit a Diſſinitorio Provinciam fuerit ingreſſus, proſequatur munus ſuum, & Capitulum celebret, ut ſupra: ſi vero nondum in Provinciam intraverit, omnino abſtineat, & Deputatus a Miniſtro Generali officium ſuum aſſumat: dummodo tempus ſuppeteret, ut poſſit ad Provinciam viſitandam accedere quinque integris menſibus ante Capitulum. Et quia ad navigandum ex una in alteram Provinciam quibusdam tantummodo menſibus venti ſpirant ſecundi, huic etiam tum Provinciarum, tum Viſitatorum commoditati conſulere volentes, ſtatuumus tempus praefigere pro Capitulorum celebratione, quod quidem nullo modo prorogari debeat abſque ſpeciali, & expreſſa Miniſtri Generalis facultate. Capitulum igitur Provinciae S. Antonii, non diſferatur ultra diem Sabbati praecedentis feſtum Sancti Patris noſtri Francisci. Et Capitulum Provinciae Conceptionis, non tranſgrediatur Sabbathum immediatum poſt feſtum Aſcenſionis D., denique Viſitatores non ingrediantur Provincias viſitandas, niſi quinque menſibus ante Capituli celebrationem, & poſt illam ſtatim ad propriam redire debeant, quod ſi facere non potuerint poſt viginti a tali celebratione Miniſtro Provinciali electo ſigilla omnia renuncient, & Provinciae gubernio nullatenus ſe immiſceant, cum tali tempore ex Statutis Ordinis Generalibus, eorum auctoritas omnino ſpiret. Aliud quoque eiſdem Provinciis proviſione dignum Nobis viſum eſt, nempe, ut evitentur incommoda, & vagationes Fratrum, qui vel cauſa, vel praetextu appellacionis, maximis cum periculis, ac expenſis, longissimis ſe itineribus exponunt: qua propter praesentium noſtrarum virtute in unaquaque praedictarum Provinciarum deputamus, & deputatos eſſe volumus tres Patres digniores extra Diſſinitorium, qui appellacionum Judices ſint, & ad quos appellantes a Sententia ſui Diſſinitorii licite, ac libere recurrere poſſint, petita prius a proprio Provinciali facultate; ita tamen, ut illi, qui ſunt ex Provincia Sancti Antonii judicent cauſas Provinciae Conceptionis, & e contra. Ille autem, qui ceteros praecedat, erit illorum Praeſes ut illos convoctet, & congreget quando opus fuerit, uno vero ex illis per mortem, vel aliam legitimum cauſam, deſiciente, alius Pater ſecundum Ordinem praecedentiae intelligatur ipſo facto ſubſtitutus, durabuntque in eodem Officio per triennium, id eſt de Capitulo ad Capitulum, & ſuper appellaciones praefatas definitive, & terminative

De Judicibus  
appellacio-  
num.



intra ordinem nostrum auctoritate nostra secundum Religionis praxim, & leges judicabunt, & sententiant, omnia vero supradicta, scilicet nominatio Visitatorum, nominationis transmissio ad Ministrum Generalem, ejusque responsio, seu Parentes, & Judicium appellationum ingressus ad officium secundum tempus, quo contigerint, in libro actuum Provinciae fideliter notentur. Praecipimus tandem in virtute Sanctae obedientiae omnibus, & singulis Provinciarum praedictarum Patribus, & Fratribus; Superioribus, & subditis, quatenus praefatis nostris Ordinationibus, & Decretis pro bono, pace, & quiete eorundem factis, nullatenus se opponere audeant, sed ea, qua par est promptitudine pareant, & obediant. Datum in Conventu nostro S. Francisci Matrivi die 29. Mensis Julii 1682. -- Fr. Petrus Marinus Minorum Generalis. De mandato suae Reverendissimae -- Fr. Sebastianus de Arroyo Secretarius Generalis Ordinis. Registrat. Fit. Prova &c.

Preces Provinciarum.

§. 6. Cum autem sicut eadem expositio subjungebat, dicti exponentes praemissa, quo firmitus subsistant, & serventur exactius, Apostolicae confirmationis nostrae patrocinio communitri summopere desiderent: Nos specialem ipsis Exponentibus gratiam facere volentes, & eorum singulares Personas, a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatae existunt ad effectum praesentium dumtaxat consequendum harum serie absolventes, & absolutas fore censentes, hujusmodi supplicationibus eorum nomine nobis humiliter porrectis inclinatis, praesertat memorati Petri Marini Ministri Generalis patentes literas, cum omnibus, & singulis in eis contentis, auctoritate Apostolica tenore praesentium confirmamus, & approbamus, illisque inviolabilis Apostolicae firmitatis robur adjicimus, ac omnes, & singulos juris, & Facti defectus, si qui desuper quomodolibet intervenerint, supplemus.

Confirmatio relati Decreti.

Clausula.

§. 7. Mandantes propterea in virtute Sanctae Obedientiae, & sub indignationis nostrae, aliisque nostro, seu pro tempore existentis Romani Pontificis arbitrio imponendis poenis, omnibus, & singulis dictorum Ordinis, & Provinciae Superioribus Fratribus, & personis, caeterisque ad quos spectat, & pro tempore spectabit, ut eadem praesentes literas, & in eis contenta quaecumque fideliter executioni demandent, seu demandari curent, & faciant; Ac decernentes ipsas praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere; ac illis ad quos spectat, & pro tempore quancumque spectabit in omnibus, & per omnia plenissime suffragari, & ab eis respective inviolabiliter observari: Sicque in praemissis per quoscumque iudices ordinarios, & Delegatos, etiam causarum Palatii Apostolici Auditores, judicari, & definiti debere; ac irritum, & inane, si secus super his a quoquam quavis auctoritate scienter, vel igno- ranter contigerit attentari.

§. 8. Non obstantibus praemissis, ac Constitutionibus, & Ordinationibus Apostolicis, necnon Provinciarum, & Ordinis praefatorum, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque Indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, ac ad verbum insertis habentes, illis alias in suo robore permanentibus, ad praemissorum effectum hac vice dumtaxat specialiter

& expresse derogamus, caeterisque contrariis quibuscumque.

Datum Romae apud S. Petrum sub Annulo Piscatoris die XXI. Maji MDCLXXXIII., Pontificatus nostri Anno Septimo.

Confirmatur erectio Congregationis Presbyterorum Saecularium B. M. V. Assumptae Civitatis Portugallen., eique Privilegia, & Indulgentiae conceduntur.

CXVII.

*Ab hoc Pontifice Const. ed. 1680., Jun. 7. P. 4. approbatum fuit quoddam Institutum Clericorum Saecularium. Et Const. ed. 1684., Aug. 17., P. 8. confirmata fuit nova eorumdem Constitutiones. Const. vero ed. 1674., Novem. 15., P. 9. approbata fuit quadam Congregatio Presbyterorum S. Josephi. Et ab Alexandro VIII. Constit. ed. 1690., Septem. 13. P. 1. confirmata fuit erectio d. Congr. B. M. V. in Civitate Bracaren.*

## INNOCENTIUS PAPA XI.

Ad perpetuam rei memoriam.

AD Pastoralis dignitatis fastigium meritis licet imparibus, ineffabili Divinae bonitatis abundantia evecti, divini cultus, & animarum salutis incremento, ac fidei Catholicae propagationi, quantum nobis ex alto conceditur, intendimus, & propterea Clericorum Congregationes id operari cupientes propensis studiis promovemus, & instituimus, favoribusque, & gratiis prosequimur opportunis, prout conspiciamus in Domino salubriter expedire.

§. 1. Exponi siquidem Nobis nuper fecerunt dilecti filii Presbyteri Saeculares Congregationis sub titulo Beatae Mariae Virginis Assumptae in Civitate Portugallen. ordinaria auctoritate canonice (ut asseritur) erectae, quod alias tunc existens Episcopus Portugallen. eandem Congregationem in dicta Civitate pro Presbyteris Saecularibus, qui sub clausura voluntaria absque votorum obligatione propriae, alienaeque salutis studere, Missionibus, & verbi Dei praedicationi operam dare, ac sacramentales Christianifidelium confessiones audire, aliaque pietatis, & christianae charitatis opera exercere deberent, ad instar Congregationum Oratorii S. Philippi Nerii in Ecclesia Sanctorum Mariae in Vallicella, & Gregorii de Urbe dudum auctoritate Apostolica erectae, & Beatae Mariae Virginis Assumptae Ulyssiponen. a fel. rec. Clemente Papa X. Praedecessore nostro per quasdam suas in simili forma brevis die 6. Maji 1671. expeditas literas confirmatae, sub Constitutionibus, sive Statutis particularibus pro eadem Congregatione Ulyssiponen. editis, & a praefato Clemente Praedecessore per alias pariter in forma Brevis die 24. Augusti 1672. emanatas literas approbatis, illorumque appendice, erexit, & instituit.

§. 2. Cum autem sicut eadem expositio subjungebat, dicti Exponentes praefata pietatis, & charitatis opera exercere haecenus studuerint, illisque in futurum quoque juxta pium dictarum Congregationum institutum, adjuvante Domino operam dare intendant: Nobis propterea humiliter supplicari fecerunt, ut sibi in praemissis opportune providere, & ut infra indulgere de benignitate Apostolica dignaremur.

§. 3. Nos igitur ipsos Exponentes, ut ad pia, & sacra opera hujusmodi promptiores reddantur, uberesque in vinea Domini fructus incrementum dante Deo, proferre satagent, specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis

a Jure;

Dat. 20. Maji  
1682. An. 7.

Procedimus.

Dicta Congregatio instituta fuit ab Episcopo ad instar illarum Sancti Philippi Nerii, &amp; ejusdem Beatae M. V. in Civitate Ulyssiponen.

Preces Presbyterorum Congregationis.